

REGLUGERÐ EVRÓPUÞINGSINS OG RÁÐSINS (ESB) nr. 1292/2013

2014/EES/54/109

frá 11. desember 2013

um breytingu á reglugerð (EB) nr. 294/2008 um stofnun Nýsköpunar- og tæknistofnunar Evrópu (*)

EVROPUÞINGIÐ OG RÁÐ EVRÓPUSAMBANDSINS
HAGA,

með hliðsjón af sáttmálanum um starfshætti Evrópusambandsins, einkum 3. mgr. 173. gr.,

með hliðsjón af tillögu framkvæmdastjórnar Evrópusambandsins, eftir að hafa lagt drög að lagagerð fyrir þjóðþingin,

með hliðsjón af álitum efnahags- og félagsmálanefndar Evrópusambandsins⁽¹⁾,

í samræmi við almenna lagasetningarmeðferð⁽²⁾,

og að teknu tilliti til eftirfarandi:

- 1) Áætlunin Evrópa 2020 um snjallan og sjálfbæran hagvöxt fyrir alla ætlar Nýsköpunar- og tæknistofnun Evrópu („EIT“) mikilvægt hlutverk en stofnunin leggur sinn skerf til nokkurra forystuverkefna.
- 2) Á tímabilinu 2014 til 2020 ætti Nýsköpunar- og tæknistofnun Evrópu að leggja sinn skerf til markmiða sem sett eru í áætluninni „Horizon 2020 - rammaáætlun um rannsóknir og nýsköpun“ og komið var á fót með reglugerð Evrópuþingsins og ráðsins (ESB) nr. 1291/2013⁽³⁾ („Horizon 2020“) með því að samþætta þekkingarþrífyrirninginn æðri menntun, rannsóknir og nýsköpun.
- 3) Til að tryggja samræmdan ramma fyrir þátttakendur í Horizon 2020 ætti reglugerð Evrópuþingsins og ráðsins (ESB)⁽⁴⁾ nr. 1290/2013 („þáttökureglur“) að gilda um Nýsköpunar- og tæknistofnun Evrópu.
- 4) Reglur um umsjón hugverkaréttinda eru skilgreindar í þáttökureglunum.
- 5) Reglur um samvinnu þriðju landa eru skilgreindar í Horizon 2020.

(*) Þessi EB-gerð birtist í Stjútíð. ESB L 347, 20.12.2013, bls. 174. Hentar var getið í ákvörðun sameiginlegru EES-nefndarinnar nr. 109/2014 frá 16. maí 2014 um breytingu á bókun 31 við EES-samninginn, um samvinnu á sérstökum sviðum utan marka fjórþætta frelsisins, bíður birtingar.

(1) Stjútíð. ESB C 181, 21.6.2012, bls. 122.

(2) Afstaða Evrópuþingsins frá 21. nóvember 2013 (hefur enn ekki verið birt í Stjórnartíðindunum).

(3) Reglugerð Evrópuþingsins og ráðsins (ESB) nr. 1291/2013 frá 11. desember 2013 um að koma á fót Horizon 2020 - rammaáætlun um rannsóknir og nýsköpun (2014-2020) (Stjútíð. ESB L 347, 20.12.2013, bls. 104).

(4) Reglugerð Evrópuþingsins og ráðsins (ESB) nr. 1290/2013 frá 11. desember 2013 um reglur um þáttöku og miðlun í „Horizon 2020 - rammaáætlun um rannsóknir og nýsköpun (2014-2020)“ (Stjútíð. ESB L 347, 20.12.2013, bls. 81).

- 6) Nýsköpunar- og tæknistofnun Evrópu ætti að hvetja til frumkvöðlastarfsemi í starfsemi sinni á sviði æðri menntunar, rannsókna og nýsköpunar. Einkum ætti hún að efla framúrskarandi menntun sem stuðlar að framtakssemi og styðja stofnun sprota- og hliðarfyrirtækja.
- 7) Nýsköpunar- og tæknistofnun Evrópu ætti að tengjast lands- og svæðisbundnum fulltrúum og öðrum hagsmunaaðilum í nýsköpunarkeðjunni með beinum hætti og skapa þannig gagnleg tengsl fyrir báða aðila. Til þess að koma á skipulagi í slíkum viðræðum og skoðanaskiptum ætti að koma á fót sérstökum vettvangi hagsmunaaðila í Nýsköpunar- og tæknistofnun Evrópu og ná þannig saman breiðum hópi hagsmunaaðila til að fjalla um þverlæg málefni. Nýsköpunar- og tæknistofnun Evrópu ætti einnig að koma upplýsingum á framfæri við og annast samskipti sem beinast að viðkomandi hagsmunaaðilum.
- 8) Nýsköpunar- og tæknistofnun Evrópu ætti að stuðla að jafnri þátttöku mismunandi aðila í þekkingarþrífyrirningi þekkingar- og nýsköpunarsamfélaganna. Hún ætti einnig að stuðla að mikilli þátttöku einkageirans, einkum örfyrirtækja og lítilla og meðalstórra fyrirtækja.
- 9) Rétt er að skilgreina umfangið á framlagi Nýsköpunar- og tæknistofnunar Evrópu til þekkingar- og nýsköpunarsamfélaganna og gert skal ljóst hvaðan fjármagn til þekkingar- og nýsköpunarsamfélagsins kemur.
- 10) Einfalda ætti samsetningu aðila að Nýsköpunar- og tæknistofnun Evrópu. Rétt er að hagræða í starfsemi stjórnar Nýsköpunar- og tæknistofnunar Evrópu og kveða nánar á um hlutverk og verkefni stjórnar og framkvæmdastjóra.
- 11) Stofna ætti ný þekkingar- og nýsköpunarsamfélög, þ.m.t. forgangssvið þeirra og skipulag og tímasetning valferlisins, með þeim aðferðum sem skilgreindar eru í stefnumótandi framkvæmdaáætluninni um nýsköpun í kjölfar opins og gagnsæs samkeppnisferlis.
- 12) Þekkingar- og nýsköpunarsamfélögin ættu að auka menntunarstarfsemi sína til að styrkja færni grunninn í Sambandinu í heild með því að bjóða fagleg námskeið og önnur viðeigandi þjálfunarnámskeið.
- 13) Nauðsynlegt er að framkvæmdastjórnin og Nýsköpunar- og tæknistofnun Evrópu hafi með sér samstarf um skipulag á eftirliti og mati á þekkingar- og nýsköpunarsamfélögunum til þess að tryggja samræmi við heildar- eftirlits- og matskerfi á Sambandsvísu. Einkum ættu að vera skýrar meginreglur um eftirlit með þekkingar- og nýsköpunarsamfélögum og Nýsköpunar- og tæknistofnun Evrópu.

- 14) Þekkingar- og nýsköpunarsamfélögin ættu að leita eftir samvirkni með viðeigandi framtaksverkefnum í Sambandinu, einstökum löndum og einstökum svæðum.
- 15) Til þess að tryggja breiða þátttöku skipulagsheilda frá ýmsum aðildarríkjum í þekkingar- og nýsköpunarsamfélögunum ætti að koma á fót samstarfsstofnunum í a.m.k. þremur mismunandi aðildarríkjum.
- 16) Nýsköpunar- og tæknistofnun Evrópu og þekkingar- og nýsköpunarsamfélögin ættu að þróa starfsemi sem ætlað er að vekja áhuga út á við og miðla bestu starfsvendum, m.a. í gegnum svæðisbundnu nýsköpunaráætlunina.
- 17) Nýsköpunar- og tæknistofnun Evrópu ætti að samþykkja forsendur og ferli fyrir fjármögnun, eftirlit og mat á starfsemi þekkingar- og nýsköpunarsamfélaganna áður en að valferli þekkingar- og nýsköpunarsamfélaganna kemur.
- 18) Í þriggja ára starfsáætlun Nýsköpunar- og tæknistofnunar Evrópu ætti að taka tillit til álits framkvæmdastjórnarinnar varðandi sértæk markmið Nýsköpunar- og tæknistofnunar Evrópu, eins og þau eru skilgreind í Horizon 2020, og hvernig hún er til fyllingar stefnumiðum og fjármögnunarleiðum Sambandsins.
- 19) Þar sem Nýsköpunar- og tæknistofnun Evrópu heyrir undir Horizon 2020 mun hagræðing í útgjöldum vegna loftslagsbreytinga samkvæmt Horizon 2020 ná til hennar.
- 20) Matið á Nýsköpunar- og tæknistofnun Evrópu ætti að koma sem tímabært innlegg fyrir matið á Horizon 2020 fyrir árin 2017 og 2023.
- 21) Framkvæmdastjórnin ætti að efla hlutverk sitt við eftirlit með framkvæmd sérstakra þátta í starfsemi Nýsköpunar- og tæknistofnunar Evrópu.
- 22) Í þessari reglugerð er mælt fyrir um fjárhagsramma fyrir allan þann tíma sem Horizon 2020 varir og skal þetta vera meginviðmiðunarfjárhæð Evrópuþingsins og ráðsins við árlega fjárlagagerð í skilningi 17. liðar stofnanasamstarfssamnings frá 2. desember 2013 milli Evrópuþingsins, ráðsins og framkvæmdastjórnarinnar um aga í stjórn fjármála, samstarf við fjárlagagerð og trausta fjármálastjórn⁽⁵⁾. Fjárframlag til Nýsköpunar- og tæknistofnunar Evrópu ætti að vera veitt frá Horizon 2020.
- 23) Andstætt því sem fyrirhugað var í fyrstu mun Nýsköpunar- og tæknistofnun Evrópu ekki njóta beins framlags úr fjárlögum Sambandsins og þess vegna ætti samþykktarferli Sambandsins ekki að eiga við um hana.
- 24) Til glöggvunar ætti að nýr viðauki að koma í stað viðaukans við reglugerð (EB) Evrópuþingsins og ráðsins⁽⁶⁾ nr. 294/2008.
- 25) Því ber að breyta reglugerð (EB) nr. 294/2008 til samræmis við það.

⁽⁵⁾ Stjútíð. ESB C 373, 20.12.2013, bls. 1.

⁽⁶⁾ Reglugerð Evrópuþingsins og ráðsins (EB) nr. 294/2008 frá 11. mars 2008 um stofnun Nýsköpunar- og tæknistofnunar Evrópu (Stjútíð. ESB L 97, 9.4.2008, bls. 1).

SAMÞYKKT REGLUGERÐ ÞESSA:

I. gr.

Reglugerð (EB) nr. 294/2008 er breytt sem hér segir:

1) Ákvæðum 2. gr. er breytt sem hér segir:

a) Í stað 1. liðar komi eftirfarandi:

„1. „nýsköpun“: ferlið, og niðurstaðan úr því, þar sem brugðist er við samfélagslegum eða efnahagslegum þörfum og eftirspurn með nýjum hugmyndum og sköpun nýrra vara, þjónustu eða viðskipta- og skipulagslíkana sem eru sett á ríkjandi markað með góðum árangri eða geta skapað nýja markaði og verðmæti fyrir samfélagið.“

b) Í stað liðar 2 komi eftirfarandi:

„2. „Þekkingar- og nýsköpunarsamfélag“: sjálfstætt samstarfsfélag æðri menntastofnana, rannsóknastofnana, fyrirtækja og annarra hagsmunaaðila í nýsköpunarferlinu í formi skipulegs netkerfis sem grundvallast á sameiginlegri skipulagsáætlun, til langs eða meðallangs tíma, í því skyni að ljúka verkefnum Nýsköpunar- og tæknistofnunar Evrópu, án tillits til nákvæms lagalegs forms þess og stuðla að því að markmiðum samkvæmt reglugerð Evrópuþingsins og ráðsins (ESB) nr. 1291/2013 („Horizon 2020“) verði náð.

(*) Reglugerð Evrópuþingsins og ráðsins (ESB) nr. 1291/2013 frá 11. desember 2013 um að koma á fót Horizon 2020 - rammaáætlun um rannsóknir og nýsköpun (2014-2020) og um niðurfellingu á ákvörðun nr. 1982/2006/EB (Stjútíð. ESB L 347, 20.12.2013, bls. 104).“

c) Í stað 3. liðar komi eftirfarandi:

„3. „samnýtingarmiðstöð“: landsvæði þar sem helstu samstarfsaðilar í þekkingarþríhyrningnum eru með aðstöðu þar sem þeir geta hæglega starfað saman og skapað þar miðstöð fyrir starfsemi þekkingar- og nýsköpunarsamfélaga á þessu svæði.“

d) Ákvæði 4. mgr. falli brott.

e) Í stað 5. liðar komi eftirfarandi:

„5. „samstarfsskipulagsheild“: skipulagsheild sem er aðili að þekkingar- og nýsköpunarfélagi, einkum æðri menntastofnanir, rannsóknastofnanir, opinber fyrirtæki eða einkafyrirtæki, fjármálastofnanir, héraðs- og staðaryfirvöld, sjóði og stofnanir sem ekki eru reknar í hagnaðarskyni.“

f) Í stað 9. liðar komi eftirfarandi:

„9. „stefnumótandi framkvæmdaáætlun um nýsköpun“: stefnumarkandi greinargerð þar sem forgangssvið og langtímastefna Nýsköpunar- og tæknistofnunar Evrópu í framtaksverkefnum í framtíðinni eru tilgreind, m.a. með yfirliti yfir fyrirhugaða starfsemi á sviði æðri menntunar, rannsókna og nýsköpunar, fyrir sjö ára tímabil.“

g) Eftirfarandi liður bætist við:

„9a. „svæðisbundin nýsköpunaráætlun“: áætlun sem vekur áhuga út á við og beinist að samstarfsfélögum æðri menntastofnana, rannsóknarstofnana, fyrirtækja og annarra hagsmunaaðila til þess að hlúa að nýsköpun alls staðar í Sambandinu.“

h) Eftirfarandi liður bætist við:

„10. „hagsmunavettvangur“: vettvangur sem opin er fulltrúum lands-, svæðis- og staðaryfirvalda, skipulagðra hópa hagsmunaaðila og einstakra fyrirtækja úr atvinnulífínu, æðra menntasviði, rannsóknum, samtökum, borgaralegu samfélagi og klasaskipulagsheilda sem og öðrum aðilum hvaðanæva úr þekkingarþríhyrningnum sem eiga hagsmuna að gæta,

11. „starfsemi þekkingar- og nýsköpunarsamfélagsins með virðisauka“: starfsemi samstarfskipulagsheilda eða lögaðila innan þekkingar- og nýsköpunarsamfélagsins, ef við á, sem stuðlar að samþættingu þekkingarþríhyrningsins, þ.e. æðri menntunar, rannsókna og nýsköpunar, m.a. starfsemi í tengslum við stofnun, stjórnun og samræmingu þekkingar- og nýsköpunarsamfélaganna og stuðla einnig að heildarmarkmiðum Nýsköpunar- og tæknistofnunar Evrópu.“

2) Í stað 3. gr. komi eftirfarandi:

„3. gr.

Hlutverk og Markmið

Nýsköpunar- og tæknistofnun Evrópu hefur það hlutverk að stuðla að sjálfbærum, evrópskum hagvexti og samkeppnishæfni með því að styrkja nýsköpunarhæfni aðildarríkjanna og Sambandsins til þess að bregðast við stórum áskorunum sem Evrópusamfélagið stendur frammi fyrir. Í þessu skyni skal hún efla samvirkni og samvinnu milli æðri menntunar, rannsókna og nýsköpunar af hæstu gæðum og samþætta þessa þætti, jafnframt því að hlúa að frumkvöðlastarfsemi.

Almenn markmið, sértæk markmið og árangursvísar sem Nýsköpunar- og tæknistofnun Evrópu setur fyrir fyrir tímabilið 2014 til 2020 eru skilgreind í Horizon 2020.“

3) Ákvæðum 1. mgr. 4. gr. er breytt sem hér segir:

a) Í stað a-liðar komi eftirfarandi:

„a) Í stjórninni sitja háttsettir fulltrúar með reynslu á sviði æðri menntunar, rannsókna, nýsköpunar og úr atvinnulífínu. Hún skal bera ábyrgð á stjórnun á starfsemi Nýsköpunar- og tæknistofnunar Evrópu, vali, tilnefningu og mati á þekkingar- og nýsköpunarsamfélagunum og öllum öðrum stefnumótandi ákvörðunum Hún skal njóta aðstoðar framkvæmdanefndar.“

b) Liður b falli brott.

c) Í stað c-liðar komi eftirfarandi:

„c) framkvæmdastjóri, sem stjórnin tilnefnir, sem ber ábyrgð gagnvart stjórninni á framkvæmda- og fjármálastjórn Nýsköpunar- og tæknistofnunar Evrópu og skal vera lagalegur fyrirvarsmáður Nýsköpunar- og tæknistofnunar Evrópu.“

4) Ákvæðum 1. mgr. 5. gr. er breytt sem hér segir:

a) Í stað a-liðar komi eftirfarandi:

„a) skilgreina, í samræmi við stefnumótandi framkvæmdaáætlun um nýsköpun helstu forgangssvið og starfsemi.“

b) Í stað c-liðar komi eftirfarandi:

„c) velja og tilnefna þekkingar- og nýsköpunarfélög á forgangssviðum í samræmi við 7. gr. og skilgreina réttindi og skyldur þeirra samkvæmt samningi, veita þeim víðeigandi stuðning, grípa til víðeigandi ráðstafana við gæðaeftirlit, vakta starfsemi þeirra að staðaldri og meta hana reglulega, tryggja nægilega mikla samræmingu og liðka fyrir samskiptum og þemabundinni samvinnu milli þekkingar- og nýsköpunarsamfélaga.“

c) Í stað f-liðar komi eftirfarandi:

„f) stuðla að miðlun bestu starfsvenja að því er varðar samþættingu þekkingarþríhyrningsins, þ. á m. milli þekkingar- og nýsköpunarsamfélaga, í því skyni að þróa sameiginlega menningu á sviði nýsköpunar- og þekkingarmiðlunar og hvetja til þátttöku í starfsemi sem vekur áhuga út á við, þ. á m. svæðisbundnu nýsköpunaráætluninni.“

d) Í stað h-liðar komi eftirfarandi :

„h) stuðla að þverfaglegri nálgun að nýsköpun, m.a. samþættingu tæknilegra, félagslegra og ótæknilegra lausna, nálgana sem byggja á skipulagsheildum og nýrri viðskiptalíkana.“

e) Eftirfarandi liður bætist við:

- „i) tryggja fyllingu og samvirkni milli starfsemi á vegum Nýsköpunar- og tæknistofnunar Evrópu og annarra áætlana Sambandsins, þar sem við á,
- j) kynna þekkingar- og nýsköpunarsamfélögin sem framúrskarandi samstarfsaðila í nýsköpun innan Sambandsins sem utan,
- k) koma á fót hagsmunavettvangi sem veitir upplýsingar um starfsemi Nýsköpunar- og tæknistofnunar Evrópu, reynslu hennar, bestu starfsvenjur og framlag til nýsköpunar í Sambandinu, stefnu og markmið í rannsóknnum og menntun og þar sem hagsmunaaðilar hafa tök á að koma sjónarmiðum sínum á framfæri. Boða skal til fundar hagsmunavettvangs a.m.k. einu sinni á ári. Fulltrúar aðildarríkjanna skulu funda í sérstakri samsetningu, á fundi hagsmunavettvangs, til að tryggja viðeigandi samskipti og upplýsingaflæði hjá Nýsköpunar- og tæknistofnun Evrópu og þeir skulu upplýstir um árangur sem Nýsköpunar- og tæknistofnun Evrópu og þekkingar- og nýsköpunarsamfélögin hafa náð, veita þeim ráð og deila reynslu sinni með þeim. Með hinni sérstöku samsetningu fulltrúa aðildarríkjanna innan hagsmunavettvangs skal einnig tryggð viðeigandi samvirkni og fylling milli starfsemi Nýsköpunar- og tæknistofnunar Evrópu og þekkingar- og nýsköpunarsamfélagsins og landsbundinna áætlana og framtaksverkefna, þ.m.t. möguleg landsbundin samfjármögnun á starfsemi þekkingar- og nýsköpunarsamfélaga.“

5) Ákvæðum 6. gr. er breytt sem hér segir:

a) Ákvæðum 1. mgr. er breytt sem hér segir:

i. Í stað b-liðar komi eftirfarandi:

„b) framsæknar og nýsköpunarmiðaðar rannsóknir á helstu sviðum efnahags- og samfélagslegra hagsmuna, sem byggjast á niðurstöðum evrópskra og landsbundinna rannsókna, og gefa færi á að styrkja samkeppnishæfi Evrópu á alþjóðavettvangi og finna lausnir á stórum áskorunum sem evrópska samfélagið horfist í augu við.“

ii. Í stað c-liðar komi eftirfarandi:

„c) menntun og þjálfun í meistara- og doktorsnámi, ásamt starfsþjálfun, í greinum sem geta hugsanlega fullnægt félagshagfræðilegum þörfum í Evrópu og aukið fjölbreytni í færni-þáttum í Sambandinu, stuðlað að þróun færni á sviðum tengdum nýsköpun, betri færni á sviði stjórnunar og frumkvöðlastarfsemi og hreyfanleika vísindamanna og námsmanna og ýtt undir að þekkingu sé deilt, leiðbeinendastarf og tengslamyndun meðal þeirra sem öðlast gráður og þjálfun sem kenndar eru við Nýsköpunar- og tæknistofnun Evrópu.“

iii. Í stað d-liðar komi eftirfarandi:

„d) starfsemi sem ætlað er að vekja áhuga út á við og miðlun bestu starfsvenja í nýsköpunargeiranum með áherslu á að efla samvinnu milli æðri menntunar, rannsókna og viðskipta, þ.m.t. í þjónustu- og fjármálageiranum.“

iv. Eftirfarandi liður bætist við:

„e) leita leiða til samvirkni og fyllingar milli starfsemi þekkingar- og nýsköpunarsamfélaga og evrópskra, lands- og svæðisbundinna áætlana, sem fyrir hendi eru, eftir því sem við á.“

b) Í stað 2. mgr. komi eftirfarandi:

„2. Þekkingar- og nýsköpunarfélög skulu hafa verulegt, almennt sjálfstæði til að móta innra skipulag sitt og samsetningu auk nákvæmrar áætlunar sinnar og starfsaðferða. Þekkingar- og nýsköpunarsamfélögin skulu einkum:

- a) koma á stjórnunartilhögun sem endurspeglar þekkingarþrífyrninginn æðri menntun, rannsóknir og nýsköpun,
- b) miða að því að vera ætíð opin fyrir nýja aðila sem auka vægi samtakanna,
- c) starfa með opnum og gagnsæjum hætti í samræmi við innri reglur sínar,
- d) vinna viðskiptaáætlanir með markmiðum og lykilmælikvörðum um árangur,
- e) þróa áætlanir fyrir fjárhagslega sjálfbærni.“

6) Ákvæðum 7. gr. er breytt sem hér segir:

a) Í stað 1. mgr. komi eftirfarandi:

„1. Nýsköpunar- og tæknistofnun Evrópu skal velja og tilnefna samstarfsfélag sem þekkingar- og nýsköpunarsamfélag að undangengnu opnu og gagnsæju samkeppnisferli. Nýsköpunar- og tæknistofnun Evrópu skal samþykkja og birta nákvæmar viðmiðanir fyrir val á þekkingar- og nýsköpunarsamfélögum, sem byggjast á meginreglum um gæði og mikilvægi fyrir nýsköpun. Utanaðkomandi og sjálfstæðir sérfræðingar skulu koma að valferlinu.“

b) Eftirfarandi málsgrein bætist við:

„1a. Nýsköpunar- og tæknistofnun Evrópu skal hefja val og tilnefningu á þekkingar- og nýsköpunarsamfélögum samkvæmt forgangssviðunum og tímaáætluninni sem skilgreind er í stefnumótandi framkvæmdaáætlun um nýsköpun.“

c) Í stað 2. mgr. komi eftirfarandi:

„2. Í samræmi við meginreglurnar sem sett eru í 1. mgr. skulu valforsendurnar fyrir tilnefningu þekkingar- og nýsköpunarsamfélags taka m.a. til:

- a) fyrirleggjandi og mögulegrar nýsköpunargetu í samstarfsfélaginu, m.a. frumkvöðlastarfsemi, auk þess að það skari fram úr á sviði æðri menntunar, rannsókna og nýsköpunar,
- b) getu samstarfsfélagsins til að ná markmiðum stefnumótandi framkvæmdaáætlunarinnar um nýsköpun og stuðla þannig að almennum markmiðum og forgangsmálum Horizon 2020,
- c) þverfaglegar nálgunar að nýsköpun, m.a. samþættingu tæknilegra, félagslegra og ótæknilegra lausna,
- d) getu samstarfsfélagsins til að tryggja sjálfbæra fjármögnun, sem ber sig til langs tíma, m.a. umtalsvert og vaxandi framlag frá einkageiranum, atvinnulífínu og þjónustugeiranum,
- e) viðeigandi jafnar þátttöku í samstarfsfélagi skipulagsheilda sem eru virk í þekkingarþríhyrningi æðri menntunar, rannsókna og nýsköpunar,
- f) kynningar á áætlun um umsjón með hugverkum sem hentar í viðeigandi geira, m.a. hvernig tekið hefur verið tillit til framlaga hinna ýmsu samstarfsskipulagsheilda,
- g) ráðstafana til að styðja þátttöku einkageirans og samstarf við hann, m.a. fjármálageirann, einkum lítill og meðalstór fyrirtæki, auk stuðnings við að koma á fót sprotta-, hliðar-, litlum og meðalstórum fyrirtækjum með það í huga að nýta árangurinn af starfsemi þekkingar- og nýsköpunarsamfélaga í ábataskyni,
- h) vilja til að gera raunhæfar ráðstafanir í samskiptum og samvinnu við opinbera og þriðja geirann, eftir því sem við á,
- i) vilja til að hafa samskipti við aðrar skipulagsheildir og netkerfi utan þekkingar- og nýsköpunarsamfélagsins í þeim tilgangi að miðla sín á milli góðum starfsvenjum og gæðum,
- j) vilja til að gera raunhæfar tillögur um samvirkni í tengslum við framtaksverkefni innan Sambandsins og önnur framtaksverkefni sem skipta máli.“

d) Í stað 3. mgr. komi eftirfarandi:

„3. Lágmarksskilyrðið fyrir myndun þekkingar- og nýsköpunarsamfélags er að a.m.k. þrjár samstarfsskipulagsheildir eigi aðild að því og hafi staðfestu í a.m.k. þremur aðildarríkjum. Þessar samstarfsskipulagsheildir skulu allar óháðar hver annarri í skilningi 8. gr. reglugerðar Evrópuþingsins og ráðsins (ESB) nr. 1290/2013 (*).

(*) Reglugerð Evrópuþingsins og ráðsins (ESB) nr. 1290/2013 frá 11. desember 2013 um reglur um þátttöku og miðlun í „Horizon 2020 - rammaáætlun um rannsóknir og nýsköpun (2014–2020)“ og um niðurfellingu á ákvörðun nr. 1906/2006/EB (Stjtuð. ESB L 347, 20.12.2013, bls. 81).“

e) Í stað 4. mgr. komi eftirfarandi:

„4. Auk skilyrðisins sem sett er fram í 3. mgr. skulu a.m.k. tveir þriðju samstarfsskipulagsheildanna sem mynda þekkingar- og nýsköpunarsamfélag hafa staðfestu í aðildarríkjunum. Að minnsta kosti ein æðri menntastofnun og eitt einkafyrirtæki skulu eiga aðild að hverju þekkingar- og nýsköpunarsamfélagi.“

f) Eftirfarandi málsgrein bætist við:

„5. Nýsköpunar- og tæknistofnun Evrópu skal samþykkja og birta viðmið og aðferðir í tengslum við fjármögnun, eftirlit og mat á starfsemi þekkingar- og nýsköpunarsamfélaganna áður en valferlið fyrir ný þekkingar- og nýsköpunarsamfélög er hafið. Hin sérstaka samsetning fulltrúa aðildarríkjanna innan hagsmunavettvangs skal þegar upplýst um þær.“

7) Eftirfarandi greinar eru felldar inn:

„7. gr. a

Meginreglur við mat og eftirlit á þekkingar- og nýsköpunarsamfélögum

Á grundvelli lykilárangursmælikvarða sem settir eru fram m.a. í reglugerð (ESB) nr. 1291/2013 og í stefnumótandi framkvæmdaáætluninni um nýsköpun, og í samstarfi við framkvæmdastjórnina, skal Nýsköpunar- og tæknistofnun Evrópu skipuleggja samfellt eftirlit og reglubundið mat utanaðkomandi aðila á afurðum, niðurstöðum og áhrifum sérhvers þekkingar- og nýsköpunarsamfélags. Tilkynna skal um niðurstöður þessa eftirlits og mats til Evrópuþingsins og ráðsins og skulu þær birtar opinberlega.

7. gr. b

Gildistími, framhald og slit þekkingar- og nýsköpunarsamfélaga

1. Með fyrirvara um niðurstöður samfellds eftirlits og reglubundins mats og sérstöðu tiltekinna sviða skulu þekkingar- og nýsköpunarsamfélögin alla jafna starfrækt á tímabili sem spannar sjö til fimmtán ár.

2. Nýsköpunar- og tæknistofnun Evrópu getur stofnað til rammasamstarfssamnings við þekkingar- og nýsköpunarsamfélag þar sem upphafstímabilið er sjö ár.

3. Stjórnin getur ákveðið að framlengja rammasamstarfssamninginn við þekkingar- og nýsköpunarsamfélag fram yfir það tímabil sem upphaflega var ákveðið, innan marka fjárhagsrammans sem um getur í 19. gr., ef það er hentar best til að ná markmiði Nýsköpunar- og tæknistofnunar Evrópu.

4. Ef mat á þekkingar- og nýsköpunarsamfélagi leiðir í ljós ófullnægjandi árangur skal stjórnin gera viðeigandi ráðstafanir, þ.m.t. að minnka, breyta eða afturkalla fjárstuðning hennar eða slíta samningnum.“

8) Eftirfarandi liður bætist við í 2. mgr. 8. gr.

„aa) miðla bestu starfsvenjum um þverlæg málefni,“

9) Ákvæði 10. gr. falli brott.

10) Í stað 2. mgr. 13. gr. komi eftirfarandi:

„2. Nýsköpunar- og tæknistofnun Evrópu skal birta opinberlega verklagsreglur sínar, sérstöku fjármálareglurnar, sem um getur í 1. mgr. 21. gr., og nákvæmu viðmiðanirnar fyrir val á þekkingar- og nýsköpunarsamfélögum, sem um getur í 7. gr., áður en auglýst er í fyrsta skipti eftir tillögum vegna vals á þekkingar- og nýsköpunarsamfélögum.“

11) Ákvæðum 14. gr. er breytt sem hér segir:

a) Í stað 2. mgr. komi eftirfarandi:

„2. Einkum skulu þekkingar- og nýsköpunarsamfélögin fjármögnuð á eftirfarandi hátt:

- a) með framlögum frá samstarfsskipulagsheildunum sem reiða fram umtalsvert fé,
- b) með frjálsum framlögum frá aðildarríkjum, þriðju löndum eða þarlandum opinberum yfirvöldum,
- c) með framlögum frá alþjóðlegra aðilum eða stofnunum,
- d) með tekjum af eignum og starfsemi þekkingar- og nýsköpunarsamfélaganna og réttshafagreiðslum af hugverkarétti,
- e) með stofnframlögum, þ.m.t. þeim sem sjóður Nýsköpunar- og tæknistofnunar Evrópu annast,
- f) með dánargjöfum, gjöfum og framlögum frá einstaklingum, stofnunum, sjóðum eða öðrum landsbundnum aðilum,
- g) með framlagi frá Nýsköpunar- og tæknistofnun Evrópu
- h) með fjármögnunargerningum, þ.m.t. þeim sem fjármagnaðir eru með fjárlögum Sambandsins.

Framlög geta falið í sér framlög í fríðu.“

b) Í stað 4. mgr. komi eftirfarandi:

„4. Framlag Nýsköpunar- og tæknistofnunar Evrópu til þekkingar- og nýsköpunarsamfélaganna getur falið í sér allt að 100% af heildarupphæð aðstoðarhæfs kostnaðar af starfsemi þekkingar- og nýsköpunarsamfélagsins sem ber virðisauka.“

c) Eftirfarandi málsgreinar bætist við:

„6. Framlag Nýsköpunar- og tæknistofnunar Evrópu skal, að meðaltali, ekki vera herra en 25% af heildarfjármögnun þekkingar- og nýsköpunarsamfélags.“

7. Nýsköpunar- og tæknistofnun Evrópu skal koma á tilhögun við endurskoðun sem byggir á samkeppni við úthlutun á viðeigandi hlut af fjárframlagi sínu til þekkingar- og nýsköpunarsamfélagsins. Hún skal fela í sér mat á viðskiptaáætlun og árangri þekkingar- og nýsköpunarsamfélagsins eins og hann hefur mælst með samfelldu eftirliti.“

12) Í stað 15. gr. komi eftirfarandi:

„15. gr.

Áætlanir og skýrslugerð

1. Nýsköpunar- og tæknistofnun Evrópu skal samþykkja breytilega þriggja ára starfsáætlun, sem byggist á stefnumótandi framkvæmdaráætlun um nýsköpun, þegar hún hefur verið samþykkt, og felur í sér yfirlýsingu um helstu forgangssvið og fyrirhuguð framtaksverkefni Nýsköpunar- og tæknistofnunar Evrópu og þekkingar- og nýsköpunarsamfélaganna, m.a. mat á fjármögnunarþörf og –leiðum. Í henni skulu einnig vera viðeigandi mælikvarðar fyrir eftirlit með starfsemi þekkingar- og nýsköpunarsamfélaganna og Nýsköpunar- og tæknistofnunar Evrópu þar sem beitt er árangursmiðaðri nálgun. Nýsköpunar- og tæknistofnun Evrópu skal leggja þriggja ára bráðabirgðastarfsáætlunina fyrir framkvæmdastjórnina eigi síðar en 31. desember þess árs sem endar tveimur árum áður en umrædd þriggja ára starfsáætlun tekur gildi (árið N - 2).

Innan þriggja mánaða frá því að starfsáætlunin hefur verið lögð fram skal framkvæmdastjórnin skila álitni á sértækum markmiðum Nýsköpunar- og tæknistofnunar Evrópu eins og þau eru skilgreind í Horizon 2020 og hvernig hún er til fyllingar stefnumiðum og stjórnþekjum Sambandsins. Nýsköpunar- og tæknistofnun Evrópu skal taka tilhlýðilegt tillit til álits framkvæmdastjórnarinnar og færa rök fyrir afstöðu sinni ef til ágreinings kemur. Nýsköpunar- og tæknistofnun Evrópu skal senda endanlega starfsáætlun til Evrópuþingsins, ráðsins, framkvæmdastjórnarinnar, efnahags- og félagsmálanefndar Evrópusambandsins og svæðanefndarinnar þeim til upplýsingar. Sé þess óskað skal framkvæmdastjórnin leggja endanlega starfsáætlun fyrir viðkomandi ábyrga nefnd Evrópuþingsins.

2. Nýsköpunar- og tæknistofnun Evrópu skal samþykkja ársskýrslu fyrir 30. júní ár hvert. Í skýrslunni skal gera grein fyrir starfsemi á vegum Nýsköpunar- og tæknistofnunar Evrópu og þekkingar- og nýsköpunarsamfélaganna á næstliðnu almanaksári og meta árangurinn með tilliti til

settra markmiða, mælikvarða og tímaáætlunar, áhættunnar í tengslum við starfsemina sem fór fram, nýtingu fjármuna og almenns rekstrar á Nýsköpunar- og tæknistofnun Evrópu. Nýsköpunar- og tæknistofnun Evrópu skal senda Evrópuþinginu og ráðinu ársskýrsluna og upplýsa þau um starfsemi Nýsköpunar- og tæknistofnunar Evrópu, framlag hennar til Horizon 2020 og til nýsköpunar-, rannsókna og menntastefnu og -markmiða í Sambandinu a.m.k. einu sinni á ári.“

13) Ákvæðum 16. gr. er breytt sem hér segir:

a) Í 2. mgr. komi orðið „þrír“ í stað orðsins „fimm“.

b) Eftirfarandi málsgrein bætist við:

„2a. Framkvæmdastjórnin getur, með aðstoð óháðra sérfræðinga, framkvæmt frekara mat á þemum eða efni sem skipta máli fyrir stefnuna til þess að kanna hvernig Nýsköpunar- og tæknistofnun Evrópu miðar í því að ná settum markmiðum, greina þá þætti sem stuðla að framkvæmd aðgerða og greina bestu starfsvenjur. Þannig skal framkvæmdastjórnin taka fullt tillit til stjórnsýslulegra áhrifa Nýsköpunar- og tæknistofnunar Evrópu og þekkingar- og nýsköpunarsamfélöganna.“

14) Ákvæðum 17. gr. er breytt sem hér segir:

a) Í stað 2. mgr. komi eftirfarandi:

„2. Í stefnumótandi framkvæmdaáætluninni um nýsköpun skal skilgreina forgangssvið og langtímaþætti Nýsköpunar- og tæknistofnunar Evrópu og þar skal koma fram mat á félagshagfræðilegum áhrifum hennar og getu til að mynda mesta virðisauka nýsköpunar. Í stefnumótandi framkvæmdaáætluninni um nýsköpun skal tekið tillit til niðurstaðna vegna eftirlits og mats Nýsköpunar- og tæknistofnunar Evrópu eins og um getur í 16. gr.“

b) Eftirfarandi málsgrein bætist við:

„2a. Í stefnumótandi framkvæmdaáætluninni um nýsköpun skal koma fram greining á mögulegum og viðeigandi samvirkni- og fyllingarþáttum milli starfsemi Nýsköpunar- og tæknistofnunar Evrópu og annarra framtaksverkefna, verkfæra og áætlana Sambandsins.“

c) Í stað 4. mgr. komi eftirfarandi:

„4. Á grundvelli tillögu framkvæmdastjórnarinnar skal Evrópuþingið og ráðið samþykkja stefnumótandi framkvæmdaáætlun um nýsköpun í samræmi við 3. mgr. 173. gr. sáttmálans um starfshætti Evrópusambandsins.“

15) Í stað 19. gr. komi eftirfarandi:

„19. gr.

Fjárlagaskuldbindingar

1. Fjárhagsrammi Horizon 2020, ætlaður til framkvæmdar á þessari reglugerð á tímabilinu 1. janúar 2014 til 31. desember 2020, er 2711,4 milljón evrur á gangverði.

2. Þessi fjárhæð skal vera helsta viðmiðun Evrópuþingsins og ráðsins meðan á fjárlagagerð stendur, í skilningi 17. liðar stofnanasamstarfssamnings frá 2. desember 2013 milli Evrópuþingsins, ráðsins og framkvæmdastjórnarinnar um aga í stjórn fjármála, samvinnu í málum er varða fjárlög og trausta fjármálastjórnun (*).

3. Árlegar fjárveitingar skulu háðar samþykki Evrópuþingsins og ráðsins og rúmast innan ramma fjárhagsáætlunarinnar. Kveðið skal á um fjárframlag Nýsköpunar- og tæknistofnunar Evrópu til þekkingar- og nýsköpunarsamfélaga samkvæmt þessum fjárhagsramma.

(* Stjórn. ESB C 373, 20.12.2013, bls. 1.“

16) Ákvæðum 20. gr. er breytt sem hér segir:

a) Í stað 5. mgr. komi eftirfarandi:

„5. Stjórnin skal samþykkja drög að áætluninni, ásamt drögum að yfirliti um stöðugildi og breytilegu þriggja ára starfsáætluninni og senda framkvæmdastjórninni fyrir 31. desember árið N-2.“

b) Í stað 6. mgr. komi eftirfarandi:

„6. Á grundvelli þessarar áætlunar skal framkvæmdastjórnin fella inn í fyrstu drög að fjárlagafrumvarpi Sambandsins þá þætti matsáætlana sem hún telur nauðsynlega vegna þeirrar styrkfjárhæðar sem veita skal af fjárlögum.“

17) Ákvæðum 21. gr. er breytt sem hér segir:

a) Eftirfarandi málsgrein bætist við:

„1a. Fjárframlagið til Nýsköpunar- og tæknistofnunar Evrópu skal koma til framkvæmda í samræmi við reglugerð (ESB) nr. 1290/2013 og reglugerð (ESB) nr. 1291/2013.“

b) Í stað 4. mgr. komi eftirfarandi:

„4. Fyrir 15. maí árið N + 2 skal Evrópuþingið, að fengnum tilmælum frá ráðinu, leysa framkvæmdastjórnann undan ábyrgð á framkvæmd fjárhagsáætlunar Nýsköpunar- og tæknistofnunar Evrópu fyrir árið N.“

18) Ákvæði 4. mgr. 22. gr. falli niður.

19) Eftirfarandi grein bætist við:

„22. gr. a

Slit Nýsköpunar- og tæknistofnunar Evrópu

Komi til slita Nýsköpunar- og tæknistofnunar Evrópu skal framkvæmdastjórnin stjórna slitameðferðinni í samræmi við gildandi lög. Í samningunum við þekkingar- og nýsköpunarsamfélögin og gerðinni um að stofna sjóð fyrir Nýsköpunar- og tæknistofnun skal mæla fyrir um þau ákvæði sem eiga við í slíkri stöðu.“

2. gr.

Í stað viðaukans við reglugerð (EB) nr. 294/2008 komi viðaukinn við þessa reglugerð.

3. gr.

Reglugerð þessi öðlast gildi 1. janúar 2014.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Strassborg 11. desember 2013.

Fyrir hönd Evrópuþingsins,
forseti.
M. SCHULZ

Fyrir hönd ráðsins,
forseti.
V. LEŠKEVIČIUS

VIÐAUKI

Stofnsamþykktir Nýsköpunar- og tæknistofnunar Evrópu

1. HLUTI

SKIPAN STJÓRNAR

1. Stjórnina skulu skipa stjórnarmenn sem bæði eru tilnefndir og fulltrúar.
2. Tólf þeirra skulu vera tilnefndir stjórnarmenn, sem framkvæmdastjórnin tilnefnir, þannig að jafnvægi sé milli þeirra sem hafa reynslu af viðskiptum, æðri menntun og rannsóknum. Skipunartími þeirra er til fjögurra ára í senn, án möguleika á endurnýjun.

Ætíð þegar nauðsyn krefur skal stjórnin leggja fyrir framkvæmdastjórnina tillögu um tilnefningu nýs stjórnarmanns/nýrra stjórnarmanna. Hinn útnefndi/hinir útnefndu skulu valdir á grundvelli niðurstöðu gagnsæs og opins ferlis sem felur m.a. í sér samráð við hagsmunaaðila.

Framkvæmdastjórnin skal sjá til þess að jafnvægi sé milli æðri menntunar, rannsókna, nýsköpunar og viðskiptareynslu sem og jafnt hlutfall kynjanna og taka til greina mismunandi umhverfi að því er varðar æðri menntun, rannsóknir og nýsköpun í Sambandinu.

Framkvæmdastjórnin skal tilnefna stjórnarmenn, einn eða fleiri, og upplýsa Evrópuþingið og ráðið um valferlið og lokatilnefningu þessara stjórnarmanna.

Ef stjórnarmaður getur ekki setið út skipunartíma sinn skal tilnefna varamann samkvæmt sama ferli og fráfarandi stjórnarmaður til þess að ljúka skipunartíma hans. Framkvæmdastjórnin getur tilnefnt aftur varamann, sem hefur setið í innan við tvö ár, til setu í fjögur ár til viðbótar að beiðni stjórnarinnar.

Þeir stjórnarmenn sem voru tilnefndir í upphafi til setu til sex ára skulu ljúka skipunartíma sínum á umbreytingartímabilinu. Þangað til skulu 18 stjórnarmenn sitja samkvæmt tilnefningu. Innan sex mánaða frá gildistöku þessarar reglugerðar skal stjórnin, með samþykki framkvæmdastjórnarinnar, velja einn þriðja af tólf stjórnarmönnum sem tilnefndir voru 2012 til setu í tvö ár, einn þriðja til setu í fjögur ár og einn þriðja til setu í sex ár.

Í sérstökum og tilhlýðilega rökstuddum undantekningartilvikum getur framkvæmdastjórnin, að eigin frumkvæði og til að viðhalda heildstæði stjórnarinnar, bundið enda á skipunartíma stjórnarmanns.

3. Fulltrúar skulu vera þrjú talsins sem þekkingar- og nýsköpunarsamfélögin kjósa úr röðum samstarfsskipulagsheildanna. Þeir skulu skipaðir til tveggja ára í senn, sem heimilt er að framlengja einu sinni. Skipunartíma þeirra lýkur yfirgefi þeir þekkingar- og nýsköpunarsamfélagið.

Stjórnin skal samþykkja skilyrði og fyrirkomulag á vali og breytingu á skipan fulltrúa, á grundvelli tillögu frá framkvæmdastjórnunum. Þetta fyrirkomulag skal tryggja videigandi fjölbreytni í fyrirsvari og skal taka mið af þróun þekkingar- og nýsköpunarsamfélaganna.

Þeir stjórnarmenn sem voru tilnefndir í upphafi til setu til sex ára skulu ljúka skipunartíma sínum á umbreytingartímabilinu. Þangað til skulu fulltrúar vera fjórir talsins.

4. Stjórnarmenn skulu starfa í þágu Nýsköpunar- og tæknistofnunar Evrópu með því að stuðla að markmiðum hennar og hlutverki og standa vörð um ímynd hennar, sjálfstæði og samkvæmni á sjálfstæðan og gagnsæjan hátt.

2. HLUTI

SKYLDUR STJÓRNAR

Stjórnin skal taka nauðsynlegar aðgerðaákvæðanir, einkum eftirfarandi:

- a) samþykkja drög Nýsköpunar- og tæknistofnunar Evrópu að stefnumótandi framkvæmdaáætlun um nýsköpun, breytilega þriggja ára starfsáætlun, fjárhagsáætlun, ársreikninga og efnahagsreikninga og árlega skýrslu um starfsemi á grundvelli tillögu frá framkvæmdastjórnunum,
- b) samþykkja viðmið og aðferðir í tengslum við fjármögnun, vöktun og mat á starfsemi þekkingar- og nýsköpunarsamfélaganna á grundvelli tillögu frá framkvæmdastjórnunum,
- c) samþykkja valferli þekkingar- og nýsköpunarsamfélaganna,

- d) velja og tilnefna samstarfsfélag sem þekkingar- og nýsköpunarsamfélag eða draga tilnefningu til baka ef þörf krefur,
- e) tryggja áframhaldandi mat á starfsemi þekkingar- og nýsköpunarsamfélaganna,
- f) setja sér starfsreglur, og reglur fyrir framkvæmdanefndina, auk sérstakra fjárhagsreglna fyrir Nýsköpunar- og tæknistofnun Evrópu,
- g) skilgreina með samþykki framkvæmdastjórnarinnar viðeigandi þóknun til stjórnarmanna og framkvæmdanefndarinnar, þessa þóknun skal ákveða með hliðsjón af sambærilegum þóknunum í aðildarríkjunum,
- h) samþykkja fyrirkomulag við val á framkvæmdanefnd og framkvæmdastjóra,
- i) tilnefna framkvæmdastjóra og, ef þörf er á, víkja honum úr starfi og vera yfir hann/hana sett,
- j) tilnefna gjaldkera og aðila í framkvæmdanefnd,
- k) samþykkja góða starfshætti að því er varðar hagsmunaárekstra,
- l) koma á fót ráðgefandi hópum, eftir því sem við á, hugsanlega til ákveðins tíma,
- m) koma á fót innri endurskoðun í samræmi við reglugerð framkvæmdastjórnarinnar (EB, KBE) nr. 2343/2002⁽⁷⁾,
- n) hafa heimild til að stofna sjóð sem hafi það sérstaka markmið að efla og styðja starfsemi Nýsköpunar- og tæknistofnunar Evrópu,
- o) taka ákvörðun um tungumálastefnu Nýsköpunar- og tæknistofnunar Evrópu, með tilliti til fyrirliggjandi meginreglna um fjöltyngi og hagnýtra krafna vegna starfsemi hennar,
- p) koma Nýsköpunar- og tæknistofnun Evrópu á framfæri hnattrænt til að sýna að hún sé eftirsóknarverð og gera hana að framúrskarandi stofnun á heimsmaðlikvarða á sviði æðri menntunar, rannsókna og nýsköpunar.

3. HLUTI

STARFSHÆTTIR STJÓRNAR

1. Stjórnin kýs sér formann úr hópi tilnefndra stjórnarmanna. Kjörtímabil formanns er tvö ár og er heimilt að endurnýja einu sinni.
2. Stjórnin skal taka ákvarðanir með einföldum meirihluta þeirra sem hafa atkvæðarétt, sbr. þó 3. mgr.

Þó skal krefjast atkvæða tveggja þriðju hluta allra stjórnarmanna, sem hafa atkvæðisrétt, vegna ákvarðana skv. a-, b-, c-, i- og o-lið í 2. hluta og skv. 1. mgr. í þessum hluta.
3. Fulltrúum er ekki heimilt að greiða atkvæði um ákvarðanir sem eru teknar skv. b-, c-, d-, e-, f-, g-, i-, j-, k-, o-, og p-lið í 2. hluta.
4. Stjórnin skal koma saman á reglulegum fundum a.m.k. þrisvar á ári og halda aukafundi sem formaður hennar boðar til eða að beiðni a.m.k. eins þriðja hluta stjórnarmanna.
5. Stjórnin skal njóta aðstoðar framkvæmdanefndar. Framkvæmdanefndin skal skipuð þremur tilnefndum stjórnarmönnum og formanni stjórnar sem einnig fer með formennsku í framkvæmdanefndinni. Stjórnin skal velja stjórnarmennina þrjá, fyrir utan formanninn, úr hópi tilnefndra stjórnarmanna í stjórn. Stjórninni er heimilt að fela framkvæmdanefndinni sérstök verkefni.

4. HLUTI

FRAMKVÆMDASTJÓRI

1. Framkvæmdastjórinn skal búa yfir sérfræðiþekkingu og hafa gott orðspor á þeim sviðum sem Nýsköpunar- og tæknistofnun Evrópu fæst við. Stjórnin skipar framkvæmdastjóra til fjögurra ára. Stjórninni er heimilt að framlengja þetta skipunartímabil einu sinni um fjögur ár telji hún hagsmunum Nýsköpunar- og tæknistofnunar Evrópu best borgið þannig.

⁽⁷⁾ Reglugerð framkvæmdastjórnarinnar (EB, KBE) nr. 2343/2002 frá 23. desember 2002 um fjárhagslega rammareglugerð fyrir þá aðila sem um getur í 185. gr. reglugerðar ráðsins (EB, KBE) nr. 1605/2002 um fjárhagsreglugerðina sem gildir um fjárlög Evrópubandalaganna (Stjtíð. EB L 357, 31.12.2002, bls. 72).

2. Framkvæmdastjórinn ber ábyrgð á rekstri og daglegri stjórnun Nýsköpunar- og tæknistofnunar Evrópu og er lagalegur fyrirsvarsmaður hennar. Framkvæmdastjórinn er ábyrgur gagnvart stjórninni og sendir henni skýrslu reglulega um þróun starfsemi Nýsköpunar- og tæknistofnunar Evrópu.
3. Framkvæmdastjórinn skal einkum:
 - a) skipuleggja og hafa umsjón með starfsemi Nýsköpunar- og tæknistofnunar Evrópu,
 - b) aðstoða stjórnina og framkvæmdanefndina við störf þeirra og láta þeim í té skrifstofu fyrir fundi þeirra og veita allar nauðsynlegar upplýsingar til að þau geti sinnt verkefnum sínum,
 - c) semja drög að stefnumótandi framkvæmdaáætlun um nýsköpun, drög að breytilegu þriggja ára starfsáætluninni, semja drög að ársskýrslu og vinna drög að árlegri fjárhagsáætlun til að leggja fyrir stjórnina,
 - d) undirbúa og hafa umsjón með valferlinu fyrir þekkingar- og nýsköpunarsamfélögin og tryggja að mismunandi áföngum þessa ferlis sé hrundið í framkvæmd á gagnsæjan og hlutlægan hátt,
 - e) undirbúa, semja og leiða til lykta samninga við þekkingar- og nýsköpunarsamfélögin,
 - f) skipuleggja hagsmunavettvang, þ.m.t. sérstaka samsetningu fulltrúa aðildarríkjanna,
 - g) tryggja framkvæmd skilvirks ferlis við eftirlit með og mat á því hvernig Nýsköpunar- og tæknistofnun Evrópu miðar við að ná markmiðum sínum, samkvæmt faglega viðurkenndum stöðlum.
 - h) bera ábyrgð á stjórnun og fjármálum, þ.m.t. framkvæmd fjárhagsáætlunar Nýsköpunar- og tæknistofnunar Evrópu og taka tilhlýðilegt tillit til ráðgjafar frá innri endurskoðun,
 - i) bera ábyrgð á öllu starfsmannahaldi,
 - j) leggja drög að ársreikningum og efnahagsreikningum fyrir innri endurskoðun og síðan fyrir stjórnina fyrir milligöngu framkvæmdanefndarinnar,
 - k) tryggja að skuldbindingar Nýsköpunar- og tæknistofnunar Evrópu, að því er varðar gerða samninga og samkomulög, séu uppfylltar,
 - l) tryggja skilvirk samskipti við stofnanir Sambandsins,
 - m) Stjórnarmenn skulu starfa í þágu Nýsköpunar- og tæknistofnunar Evrópu með því að stuðla að markmiðum hennar og hlutverki og standa vörð um ímynd hennar, sjálfstæði og samkvæmni á sjálfstæðan og gagnsæjan hátt.

5. HLUTI

STARFSMENN NÝSKÖPUNAR- OG TÆKNISTOFNUNAR EVRÓPU

1. Nýsköpunar- og tæknistofnun Evrópu ræður til sín starfsfólk milliliðalaust á grundvelli tímabundinna samninga. Ráðningarkjör annarra starfsmanna Evrópusambandsins gilda um framkvæmdastjórnann og starfsfólk Nýsköpunar- og tæknistofnunar Evrópu.
2. Heimilt að lána sérfræðinga tímabundið til starfa hjá Nýsköpunar- og tæknistofnun Evrópu. Stjórnin skal samþykkja ákvæði sem gera sérfræðingum að láni kleift að starfa hjá Nýsköpunar- og tæknistofnun Evrópu og þar sem réttindi þeirra og skyldur eru skilgreind.
3. Nýsköpunar- og tæknistofnun Evrópu skal, að því er starfsfólk varðar, beita þeim heimildum sem því yfirvaldi eru faldar sem hefur heimild til að gera ráðningarsamninga.
4. Heimilt er að krefjast þess af hvaða starfsmanni sem er að hann bæti, að hluta eða að öllu leyti, skaða sem Nýsköpunar- og tæknistofnun Evrópu kann að verða fyrir vegna alvarlegs misferlis hans/hennar við störf sín eða í tengslum við þau.